



**Ernup nukissiorfiup Qorlortorsuarmitup sarfamik tunisisinnaanerata annertusarneqalerneranut atasumik, Alluitsup-Paa allanit salliutillugu, Qorlortorsuarmit nukissiorfimmiit sarfamik pilersorneqalernissaa siunniullugu, Naalakkersuisut UKA 16-mi saqqummiunneqartussamik, qanoq naleqassaneranik pilersaarusiampilu suliaqassasut Inatsisartut aalajangiiffigisassaattut siunnersuut.**

(Inatsisartunut ilaasortaq Kalistat Lund, Inuit Ataqatigiit)  
(Siullermeernera)

Demokraatini perruualaarutigaarput nunami inuugatta, Nukissiorfiit tunisassiaata nukiup 60 procentia nukissiuutinit ataavartumeersumi. Tamatumap nunarput maligassiuusunnngortippaa.

Tunnngaviusumik siunnersuuteqartoq isumaqatigaarput, nukissiuutit ataavartut piorsartariaqarigut suli annertunerusumik, illuatungaaticullu isumaqarpugut aamma peqataanik aningaasanut tunngasortai isiginiartariaqarigut.

Manna siunnersuut aqutigalugu Inuit Ataqatigiit 85 millioner koruunit atorlugit nunaqarfiup Alluitsup Paata, erngup nukinga atorlugu nukissiorfimmiit sarfamik pilersorneqarnissaa anguniarpaat. Silap pissusaanik qajassuussinissaq kisiat eqqarsaatigissagaanni siunnersuut eqqortuuvoq ilalerneqarlunilu, nunatsinnili aningaasarliornerput pissutigalugu sipaarujussuuartariaqarpugut pingaarnersiueqqissaartariaqarlutalu aningaasaaticut siunertaqarnerpaanut atorumallugit. Uanilu pisumi annertooujussuuvoq 85 millioner koruunit atussallugit nunaqarfiup ataatsip ataavartumik nukissiuuteqarnissaa piinnarlugu.

Allatut oqaatigalugu inuiaqatigiit aningaasaqarniarnerat eqqarsaatigalugu siunnersuummik taamaatumik tapersiinnissaq akisussaassuseqanngitsuliornerussaaq. Taamaattumik inassutigaarput siunnersuut itigartinneqassasoq.